

Meeqqanut ileqqaakkat pillugit Inatsisartut inatsisaata atorunnaarsinneqarnissaanik Inatsisartut inatsisaat

§ 1. Meeqqanut ileqqaakkanut immikkoortitanit pisassaqtartup pisassai, ilassutaasinnaasut ilanngullugit, nalinginnaasumik aningaaserivimmi kontomut pisassaqtartup kontoanut, 31. december 2009-mi nunneqassapput. Aningaasat nuunneqarneranni meeqqanut ileqqaakkanut immikkoortitanit peerneqartutut isigineqassapput.

Stk. 2. Pisassaqtartoq aningaaserivimmi kontoqarpat aningaasat kontoreriigaanut nuunneqassapput.

Stk. 3. Pisassaqtartup pisassarisai nuussinnginnermi § 2 naapertorlugu tapinik ilaneqassapput.

Stk. 4. Meeqqanut ileqqaakkanut immikkoortitat 1. januar 2012-imi atorunnaarsinneqassapput meeqqanullu ileqqaakkanut immikkoortitat sinneruttut Nunap karsianut nakkartinneqassallutik.

§ 2. Aaqqissuussinermi sinneqartoorutaasinnaasut 50 procentii meeqqanut ileqqaakkanit pisassaqtartup pisassarisaanut tapinut (ernialiinermut) atorneqassapput.

§ 3. Meeqqanut ileqqaakkanut immikkoortitat atorunnaarsinnissaat tunniunneqarnissaallu pillugit Naalakkersuisut ingerlatsisunut isumaqatigiissuteqarnissamut pisinnaatinneqarput, tamatumani aamma meeqqap sumiinnera imaaliinnarluni nassaarineqarsinnaatinnagu iliuusissanik aallartitsinissaq pillugu.

Atuutilernera

§ 4. Inatsisartut inatsisaat 31. december 2009-mi atuutilersinneqassaaq.

Stk. 2. Tamatumunnga peqatigitillugu Inatsisartut inatsisaat nr. 13, 2. november 2006-imeersoq aamma nalunaarut nr. 23, 1. december 2006-imeersoq atorunnaarsinneqassapput.

Kalaallit Nunaanni Namminersorlutik Oqartussat, ulloq 30. november 2009

Kuupik Kleist

/

Palle Christiansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut